

Në bazë të Nenit 17 të Ligjit për Pjesëmarrje Rinore dhe Politika Rinore ("Gazeta Zyrtare e Republikës së Maqedonisë së Veriut nr. 10/20), Nenit 48-k të Statutit të Qytetit të Shkupit "Lajmëtari Zyrtar i Qytetit të Shkupit" nr. 16/05, 8/10, 17/11, 18/13, 13/14, 1/15, 12/15, 4/19, 9/21 dhe 4/22), Nenit 3 të Vendimit për përcaktimin e nevojës për shpalljen e Thirrjes publike për zgjedhjen e anëtarëve të Këshillit Iniciues për Konstituimin e Kuvendit të të Rinjve të Qytetit të Shkupit ("Lajmëtari Zyrtar i Qytetit të Shkupit" nr. 2/26) dhe Aktvendimit për themelimin e Këshillit Iniciues për Konstituimin e Kuvendit të të Rinjve të Qytetit të Shkupit nr. 08-2300/6 datë 12.03.2026, të miratuar nga Kryetari i Qytetit të Shkupit, Këshilli Iniciues për Konstituimin e Kuvendit të të Rinjve të Qytetit të Shkupit shpall:

THIRRJE PUBLIKE për pjesëmarrje në konstituimin e Kuvendit të të Rinjve të Qytetit të Shkupit

1. Përshkrim i shkurtër dhe kushte të përgjithshme

Kuvendi Konstituiv Lokal i të Rinjve është organ nën kompetencën e të cilit është përzgjedhja e anëtarëve të Këshillit Lokal Rinor (KLR) të Qytetit të Shkupit.

Për pjesëmarrje në konstituimin e Kuvendit mund të aplikojnë organizata rinore, organizata për të rinjtë, forume rinore të partive politike, organizata të nxënësve dhe studentëve dhe forma të tjera të shoqatave rinore që kanë aktivitete në territorin e qytetit të Shkupit (u referohet dhjetë komunave të Shkupit, Aerodrom, Butel, Gazi Baba, Gjorçe Petrov, Karposh, Kisela Voda, Saraj, Qendër, Çair dhe Shuto Orizare).

Kuvendi i të Rinjve i Qytetit të Shkupit zgjedh anëtarët e Këshillit Lokal Rinor të Qytetit të Shkupit të cilët do t'i përfaqësojnë më tej interesat e të rinjve dhe do të krijojnë politika të dedikuara për të rinjtë në territorin e qytetit të Shkupit.

Këshilli Iniciues për konstituimin e Kuvendit të të Rinjve të Qytetit të Shkupit inkurajon fuqimisht aplikimin e organizatave që punojnë në fusha të ndryshme me të rinjtë, si të rinjtë me aftësi të kufizuara, të rinjtë nga komunitetet e marginalizuara etj. Inkurajon edhe organizatat që propozojnë delegatë dhe zëvendës delegatë që të udhëhiqen nga parimi gjithëpërfshirës, me qëllim përfaqësimin më të madh të të rinjve në Kuvendin e të Rinjve të Qytetit të Shkupit.

Detyrat e Kuvendit të të Rinjve të Qytetit të Shkupit

1. Shpall thirrjen publike për zgjedhjen e anëtarëve të Këshillit Lokal Rinor të Qytetit të Shkupit.
2. Zgjedh anëtarët e këshillit lokal rinor me zgjedhje të drejtpërdrejta me votim të fshehtë në të cilin të drejtë vote kanë delegatët e Kuvendit.
3. Krijon Rregulloren e punës për Këshillin Lokal Rinor.

Kushte për pjesëmarrje në Kuvendin e të Rinjve të Qytetit të Shkupit

Në Kuvend mund të anëtarësohen:

1. Organizata rinore
2. Organizata për të rinj
3. Forume rinore të partive politike
4. Organizata të nxënësve dhe studentore
5. Forma të tjera të asociacioneve rinore

Format e organizimit, që janë anëtarë të Kuvendit vjetor të të rinjve delegojnë delegat dhe zëvendës delegat.

Delegati dhe zëvendës delegati detyrimisht duhet të jenë banorë të Shkupit (me vendbanim në komunat: Aerodrom, Butel, Gazi Baba, Gjorçe Petrov, Karposh, Kisela Voda, Saraj, Qendër, Çair dhe Shuto Orizare) dhe të jenë në moshë nga 15 deri në 29 vjeç.

Konstituimi i Kuvendit të të Rinjve të Qytetit të Shkupit

Seancën konstituive të Kuvendit e thërret delegati më i vjetër i zgjedhur.

Në seancën konstituive të Kuvendit kryesuesi zgjidhet me votim të fshehtë.

Çdo anëtar i kuvendit mund të kandidohet për kryesues, ose nëse propozohet dhe mbështetet nga të paktën 3 anëtarë të Kuvendit.

2. Mënyra e aplikimit dhe dokumentacioni i detyrueshëm

1. Aplikim i plotësuar për nominimin e delegatit dhe zëvendës delegatit në Kuvendin Lokal të të Rinjve të Qytetit të Shkupit (aplikimi do të publikohet në faqen e internetit të Qytetit të Shkupit: www.shkupje.gov.mk).
2. Portofoli i shoqatës, forumit rinor të partisë politike ose formës tjetër të shoqatës rinore (dokument jo më i gjatë se dy faqe i cili do të përmbajë informacion të përgjithshëm për punën e organizatës, vizionin dhe misionin e organizatës, aktivitetet kryesore, informacione për drejtuesin e organizatës, informacione kontakti për organizatën (adresa, telefoni kontaktues, faqja e internetit, etj.).
3. Raporti i shoqatës për aktivitetet me të rinjtë në vitin e kaluar, forumit rinor të partisë politike, përkatësisht formës tjetër të shoqatës rinore në territorin e qytetit të Shkupit.
4. Letër motivuese e organizatës në të cilën do të shtjellohen arsyet pse organizata dëshiron të jetë anëtare e Kuvendit, mënyra se si mendon se mund të kontribuojë në punën e Kuvendit jo më të gjatë se një faqe.
5. Biografi e shkurtër e delegatit dhe zëvendës delegatit të propozuar
6. Dëshmi se delegati dhe zëvendës delegati i propozuar janë banorë të Shkupit (me vendbanim në komunat: Aerodrom, Butel, Gazi Babë, Gjorçe Petrov, Karposh, Kisela Voda, Saraj, Qendër, Çair dhe Shuto Orizare) dhe të jenë në moshë nga 15 deri në 29 vjeç.
Të depozitohet kopje e dokumentit publik (kartë identiteti ose pasaportë) e delegatëve të propozuar.

3. Afati i depozitimit të aplikimeve

Thirrja publike publikohet në faqen e internetit të Qytetit të Shkupit (www.shkupje.gov.mk).

Thirrja publike zgjat 6 ditë kalendarike, llogaritur nga dita e publikimit.

Dokumentacionin e nevojshëm aplikantët e depozitojnë në zarf të mbyllur pranë Këshillit iniciues nëpërmjet Arkivit të Qytetit të Shkupit (baraka 16), me shënimin: "Drejtuar Sektori për Veprimtari Publike - Këshilli Iniciues për Themelimin e Kuvendit Rinor të Qytetit të Shkupit".

Zarfi nuk duhet të përmbajë asnjë shenjë që mund të identifikojë aplikantin.

Kërkesa me dokumentacionin e kërkuar depozitohet në një kopje origjinale, të plotësuar elektronikisht, të nënshkruar dhe të vërtetuar/vulosur nga personi përgjegjës i aplikantit.

Këshilli iniciues nuk do t'i shqyrtojë aplikimet e depozituara me vonesë.

Aplikimet e plotësuar me dorë nuk do të shqyrtohen.

Për informacione plotësuese:

Informacione plotësuese mund të merren në Sektorin për veprimtari publike – seksioni për sport dhe të rinj në telefonat: 3297-238 dhe 3297-320.

KËSHILLI INICIUES PËR KONSTITUIMIN
E KUVENDIT TË TË RINJVE
TË QYTETIT TË SHKUPIT